

四庫全書

子部

欽定四庫全書

玉海卷一百十八

宋 王應麟 撰

選舉

考課

古者三載考績三考黜陟三歲而小考正職而行事也九歲而大考黜無職而賞有功也

舜三載考績

書舜典三載考績三考黜陟幽明孔氏傳三年有成故以考功益稷臯陶方祇厥敘注臯陶敬行其九德考績之次序於四方

周六計 六敘

見六卿類

天官小宰以聽官府之六計弊羣吏之治廉善能敬正法辨 太宰八法八曰官計以弊邦治即小宰六計 三歲則

大計羣吏之治而誅賞之

鄭司農云
三載考績

宰夫歲終令羣

吏正歲會月終正月要旬終正日成以考其治

小宰月終受君

臣之要贊冢宰受

歲會歲終致事

司會掌八法之貳以參互考日成

以月要考月成以歲會考歲成

易氏曰 日有成日考之也 壬夫受之月有要月

考之也 壬夫令之小宰受之歲有會歲考之也 小宰贊之太宰受之

夏官司士歲登下

其損益之數

注謂用功過黜陟者

三歲稽士任而進退其爵祿

書周官又六年王乃時巡大明黜陟 典命注命謂玉

遷秩羣臣之書

漢考功課吏法 功次

京房傳元帝永光建昭中通鑑建昭二年六月西羌反日食上召

問房對曰帝王以功舉賢宜令百官各試其功災異可
息詔房作其事房奏考功課吏法

晉灼曰令丞尉治一縣崇教化無犯法者

違有盜賊滿三日不覺尉事也令覺之自除尉員其罪率相準如此法也

上令與公卿朝臣

會議溫室皆以房言煩碎令上下相司不可許部刺史

奏事京師上召見令房曉以課事刺史以為不可行惟

鄭弘周堪言善上意嚮之令房上弟子曉知考功課吏

事者欲試用之房上中郎任良姚平願以為刺史試考

功法臣得通籍殿中奏事於是以房為魏郡守得以考

功法治郡房自請願亡屬刺史得除用他郡人自第吏
千石以下歲竟乘傳奏事天子許焉房為太守以建昭
三年二月朔拜上封事房未發六月止無奏事七月房
上封事曰前白願出任良試考功臣得居內 蕭望之
傳為左馮翊上諭意曰所用皆更治民以考功 王駿
傳御史大夫闕谷永奏言聖主不以名譽加於實効考
績用人之法薛宣政事已試云云 張敞傳為膠東相
自謂吏追捕有功效者願得一切比三輔尤異上名尚

書云云 馮野王傳杜欽奏記曰三最取予告令也

尹翁歸為東海太守必於秋冬課吏卜式為成臯令將
漕取義縱縣無逋事舉第一遷長陵令趙廣漢為陽翟
令以治行尤異遷張敞拜膠東相上名尚書調補縣令
者數十人尹賞以三輔高第選守長安令焦延壽為小
黃令舉最當遷朱博以高第入為長安令蕭育為茂陵
令會課育第六而漆令郭舜殿初中新野令魯丕州
課第一豐令牟融為州郡最此郡課縣也刺史以六條問事

故事選守相高第為中二千石兒寬為左內史課更以

最尹翁歸為右扶風盜賊課嘗為三輔最韓延壽為東

郡守斷獄大減為天下最朱邑召信臣治行第一陳咸

鄭昌高第

此州課
郡也

丙吉曰長安京兆尹歲竟丞相課殿

最奏行賞罰丞相位三公領計簿谷永薦薛宣疏曰宣

考績功課簡在兩府宣帝親政

地節二年五月

自丞相以下各

奏職奏事以傳奏其言考試功能地節四年詔郡國歲

上繫囚丞相御史課殿最以聞黃龍元年詔御史察計

簿疑非實者按之孝元使尚書選第中二千石而大鴻

臚馮野王行能第一班況為上河農都尉大司農奏課

連最

此公卿課
羣吏也

御史中丞總領州郡奏事課第諸刺史

刺史課郡國二千石而兩府九卿雜考郡國之計天子

受相國之要光祿第郎從官

博士選
三科

功次兒寬為掌故功次補廷尉文學卒史田廣明

為天水司馬功次遷河南都尉馮奉世為郎功次補

武安長馮野王為太子中庶子功次補當陽長馮

凌為美陽令功次遷長樂屯衛司馬 馮譚為郎功次
補天水司馬潁陽令 薛恭本縣孝者功次稍遷 平
當為治禮丞功次補大鴻臚文學 周仁為太子舍人
積功遷至太中大夫 衛館為郎功次遷中郎將 石
奮積功勞至太中大夫 王訢呂郡縣吏積功遷被陽
令 朱博守琅琊移書王卿齋伐閔詣府 陳咸等官
簿在翟方進右注簿謂伐閔也 平當使行流民幽州舉奏刺
史二千石勞稼有意者奉使者十一人為最遷丞相司

直後官志司徒凡四方民事功課司空水土太尉兵事功課歲盡奏殿最行賞罰刺史以八月行所部郡國考殿最郡國以春行縣秋冬遣無害吏課殿最歲盡遣吏上計令長秋冬集課上計於所屬郡國注胡廣曰州課第長吏不稱職為殿有治能為最察上尤異伏恭劉祐魯恭陳重張奐繆彤舉尤異歲盡齋所狀納京師名奏事郡國歲盡計縣戶口墾田錢穀入出盜賊多少上其集簿丞尉

以下歲詣郡課校其功功多尤最者於廷尉勞勉
以勸其後負多尤殿者於後曹別責以糾其慢

韋義數上書順帝宜依古典考功黜陟召集名儒

大定其制

魏都官考課法 考課論 周官考課

魏志

兼通典

明帝疾浮華之士景初元年詔吏部尚書盧

毓曰選舉莫取有名名如畫地作餅不可啖也毓曰名
不可以致異人而可以得常士今考績法廢而以毀譽

進退故真僞混雜虛實相蒙帝納其言詔散騎常侍劉
劭作都官考課法七十二條又作說畧一篇詔下百官
議事下崔林曰案周官考課其文備矣康王以下遂以

陵夷即考課之法存乎其人也萬目不張舉其綱衆毛
不振整其領舉陶仕虞伊尹臣商不仁者遠大臣任職
式是百辟孰敢不肅烏在考課哉崔林傳劉劭作考課
論制下百寮林議曰云杜恕曰明試以功三考黜陟帝王盛制也然歷六代

而考績之法不著闕七聖而課試之文不垂其法可粗

依其詳難並舉也語曰世有治人而無治法法可專任
則唐虞不須稷契之佐商周無貴伊呂之輔矣今奏考
功者陳周漢之遺經綴京房之本旨於以崇揖遜之風
興濟濟之治臣以為未盡善也其欲使州郡考士必由
四科皆有事効然後察舉試辟公府為親民長吏轉以
功次補郡守或就增秩賜爵此最考課之急務也至於
公卿及內職大臣當俱以其職考課之且天下至大萬
機至衆焉有大臣守職辦課可以致雍熙者哉傳嘏曰

建官均職清理民物所以立本也循名考實糾厲成規
所以治末也本綱未舉而造制末程國畧不崇而考課
是先不足以料賢愚之分精幽明之理也議久不決事
竟不行盧毓論人及選舉皆先性行而後言才

韓暨傳作考課之

法 王昶傳嘉平初陳治畧五事詔使撰百官考

課事昶以為唐虞雖有黜陟之文而考課之法不垂周
制冢宰大計羣吏又無校比之制聖王明於任賢畧舉
黜陟之體以委達官之長而總其統紀故能否可得而

知也

晉黜陟課 九班制

杜預傳武帝泰始中守河南尹受詔為黜陟之課

一本云泰

始四年正月

其畧曰臣聞上古之政因循自然虛己委誠而

信順之道應神感心通而天下之理得

一本云古者點步擬議於心不

況於末世疑心而信耳目疑耳目而信簡書簡書愈繁

官方愈僞漢刺史歲終奏事不制算課而清濁粗舉魏氏考課即京房之遺意失於苛細以遺大體故歷代莫

能通也豈若申唐堯之舊去密就簡則易從也神而明之存乎其人去人任法則以文傷理莫若委任達官各考所統歲第其人言其優劣如此六載主者總集採案其言六優者超擢六劣者廢免優多劣少者平敍劣多優少者左遷今考課之品所對不釣誠有難易當準量輕重不足曲以法盡也己丑詔書以考課難成聽通薦例一本云其優劣徇情不叶公論者當委監司隨而彈之事竟不行劉頌為吏部尚書建九班之制欲令百官居職希遷課能否明賞罰于寶

曰子雅制九班而不用
子真著崇讓而莫省

元魏朝堂黜陟 考格 勸書

後魏書太和十八年九月壬申朔詔三載一考考優劣

為三等六品以下尚書重問五品以上朕將親與公卿

論善惡上上者遷下下者黜中中者守本任壬午帝臨

朝堂親加黜陟

太和十九年十月壬戌詔
州牧考屬官為三等之科

郭祚奏景

明初考格五年者得一階半正始中考格滿三周為限

二制不同景明考法東西省文武官為三等尚書盧祖

奏上等三年轉半階令考格復分為九等 墾同為左丞明帝世軍功罔冒同閱吏部勳書檢覈竊階者三百餘人表言吏部勳簿多改易校中兵奏案亦舛請集二局勳簿若名級相應於黃素大書之尚書以朱印印之敘階之後名簿具注加補日月尚書印記然後付曹郎別為抄目又請立格酬敘以三年為斷州無中正者不在此限 崔鴻延昌二年將大考百寮鴻議曰景明以來考格三年成一考一考轉一階 宋元嘉守宰以六

暮為斷齊永明一以小滿為限 魏世外官代還六年
方叙內官四年為限

唐考功四善二十七最 考簿 考課令

御製考辭

百官志

會典同

考功郎中員外郎掌文武百官功過善惡

之考法及其行狀其考法凡百司之長歲校其屬功過

差以九等大合衆而讀之流內之官敘以四善曰德義

有聞清慎明著公平可稱恪勤匪懈善狀之外有二十

七最近侍

獻可替否拾遺補闕選司

錄銜人物

考校

揚清激濁褒貶必當

禮

官禮制儀式樂官

音律克諧

決斷不滯

與奪合理

宿衛

部既有方

動合經典不失節奏

判事

兵事調習

推鞠得情

與奪合理

宿衛

警拔指審

有方

警守督領

戎裝充備

法官

處斷平允

校正

警拔指審

明於刊定

宣

無失

承旨敷奏

學官

訓導有方

賞罰嚴明

攻戰必克

政教

禮義興行

明於勘覆

納庸清所

吐納明敏

文史

詳錄典正

詞理兼舉

糾正

訪察精當

明於勘覆

掌職事修理

供承強濟

役使

功課皆充

丁匠無怨

屯官

耕耨以時

謹於藏益

明於歷官

推步盈虛

方術

占候醫卜

效驗居多

關津

檢察有方

行旅無壅

市屋弗擾

究理精密

牧官

牧養肥碩

鎮防

邊境清肅

城隍修理

一最四善

為上上一最三善為上中一最二善為上下無最有二

善為中上無最有一善為中中職事粗理善冒取不聞為
中下愛憎任情處斷乖理為下上背公向私職務廢缺
為下中居官誣詐貪濁有狀為下下凡定考皆集尚書
省唱第然後奏流外官以行能功過為四等清謹勤公
為上執事無私為中不勤其職為下貪濁有狀為下下
凡考中上以上每進一等加祿一季中中守本祿中下
以下每退一等奪祿一季中品以下四考皆中中者進
一階一中上考復進一階一上下考進二階凡制敕不

便有執奏者進其考貞觀初歲定京官望高者二人分

校京官外官考給事中中書舍人各一人蒞之號監中

外官考使考功郎中判京官考貞外郎判外官考其後

屢置監考校考知考使故事考簿朱書吏緣為姦咸通

十四年始以墨王徵建議 藝文志職官類王方慶尚書考

功簿五卷又考功狀績簿十卷 通鑑武德二年

閏二月甲辰上考第羣臣以李綱孫伏伽為第

一會要云上閔羣臣考績李綱孫伏伽以直諫為上第 會要貞觀三年右

僕射房玄齡侍中王珪掌内外官考

以下雜引
列傳等書

高宗

書滕王元嬰下下考以愧之。盧承慶典選校百官考有坐漕舟失所載者考中下更曰非力所及考中中又曰寵辱不驚考中上能著人善類此。劉仁軌擢狄仁傑上下考。唐臨為大理卿高宗自述其考蘇瓌治州考課常最睿宗賜李朝隱韓朝宗中上考源乾曜開元十二年帝自較其考與張說偕賜賜上考
親製詞十七年說授左丞相校京官考注子中書舍人均考上下時

不以為私二十四年賜刺史縣令中下考
盧從愿開元四年刺豫州奏課為天下第一
宇文融以檢戶口功校上下考盧從愿抑不與之

從愿數充校考使升退詳確

山南

黜陟使韋貞薦嚴震理行第一特賜上下考封鄖國公
崔隱甫帝詔校外官歲考異時必委曲參審竟春未
定隱甫一日會朝集使詢實其畧皆訛議者服其敏

何易于以益昌令中上考遷羅江令
班宏削劉迺上下考
陽城自書下下考
乾元二年二月

丁未御製郭

子儀李光弼等考辭 自至德後考績失實內外悉考
中上殿最混淆貞元六年趙宗儒領考功事黜陟詳當
無所回憚右司郎中獨孤良器以過黜考左丞裴郁御
史中丞盧紹隆考中中凡入中上者纔五十人 長慶
元年正月考功員外郎李渤歲終校考自宰相以下升
黜之上奏曰宰相俛文昌植不陳德義振舊典邪正無
章陛下幸驥山宰相學士不先事以諫陷君於過俛與
學士杜元穎等請考中下御史大夫李絳左散騎常侍

張惟素右常侍李益諫幸驪山鄭覃等陳畋游得事君之禮請考上下奏入不報會渤請急馮宿領考功以考課令取歲中善惡為上下郎中校京官四品以下黜陟之由三品上為清望官歲進名聽內考非有司所得專渤海舊事為褒貶違朝廷制請如故事渤議遂廢五月
取

志節度使歲以八月考其治否銷兵為上考足食為中考邊功為下考觀察使以豐稔為上考省刑為中辨稅為下團練使以安民為上考懲姦為中得情為下防

禦使以無虞為上考清苦為中政成為下經畧使以計
度為上考集事為中修造為下 柳冕上表元日陳貢

樂於考堂唱其考第 通典開元二十五年十二月

二十一
十

四命諸道採訪使考課善績三年一奏 傳考功歲終

請如至德故事課殿最左丞趙憬自言薦韋証以貪敗
請降考校考使劉滋謂知過更以考升 乾陵令薛珏
課第一 奉天令韋夏課第一

唐六條黜陟

紀貞觀二十年正月丁丑遣使二十二人以六條黜陟于天下

遣大理卿蘇伏伽等先是八年正月壬寅遣大臣為諸道黜陟大使戮肉以李靖為之凡十三人分行

天下

龍朔三年八月戊申神龍二年二月丙申開元

二十一年四月乙卯二十九年十月戊戌天寶五年三

月丙子至德二載十二月並遣使黜陟建中元年正月

辛未遣黜陟使庾何等十一人

神龍中李傑為河東黜陟使課最諸道源乾曜

河東奏課最虛從應山南李尚隱閩內倪若水

鰈南課第一一路敬潛表言青州尹思貞善政

會要

貞觀二十年正月孫伏伽等二十一人以六條察四方

多所舉刺太宗命褚遂良等具狀以聞乃親自臨決牧
宰以下進擢者二十人罪死者七人黜免數百人玄宗
詔京官有善政者補刺史歲十月按察使校殿最自第
一至第五校考使及戶部長官總覈為升降

唐御史黃卷

會要天寶四載十一月十六日敕御史依舊置黃卷書
闕失每歲委知雜御史長官比類能否送中書門下改
轉不日褒貶

唐吏能四科

食貨志陸贊奏曰廉使廉吏之能者有四科曰戶口增加田野墾闢稅錢長數率辨先期國家設考課之法非欲崇聚斂也宜命有司詳考課績州稅有定徭役有等覆實然後報戶部元稹對策曰吏部罷書判身言之選設四式以任人一曰校能之式二曰記功之式三曰任賢之式四曰敘常之式四式行則庶官當

唐考選格

志凡居官必四考四考中中進年勞一階敘每一考中上進一階上下二階上中以上及計考應至五品以上奏而別敘六品以下遷改不更選及守五品以上官年勞歲一敘給記階牒考多者準考累加盧懷慎上疏比
州牧上佐兩等令或一二歲或三五月即遷不論課最請未四考不遷通典唐虞九載魏晉以後六周國家因隋為四又減
為三憲宗時宰相李吉甫定考遷之格諸州刺史次赤府少尹次赤令諸陵令五府司馬上州上佐東宮官詹事諭德以下五品官四品以上皆五考侍御史十三月

殿中侍御史十八月監察二十五月三省官及臺省官皆三考餘官四考文武官四品以上五考顯慶中劉祥道知選事上疏陳六事請四考進階入考聽選以息迎新送故之弊陸贊論改轉倫序曰漢制刺史高第即郡守郡守高第入為九卿九卿遷止相相國從六百石吏至台輔歷三四轉耳久在其位亦未失宜近代建官多列級密縣邑有七等之興州府有九等之差省郎有前中後行郎中員外郎五等之死諫官有

諫議大夫補闕拾遺三等之別臺寺率類於斯若依唐
虞以九載為期宜高位乏人下僚白首夫覈才有三術
焉拔擢以旌異能黜罷以糾失職序進以謹守常

陸贊八計

本傳德宗遣黜陟使庾何等十一人行天下贊說使者
請以五術省風俗八計聽吏治三科登俊乂四賦經財
實六德保罷瘵五要簡官事八計曰視戶口豐耗以稽
撫字視墾田贏縮以稽本末視賦役厚薄以稽廉冒視

案籍煩簡以稽聽斷視囚繫盈虛以稽決滯視姦盜有無以稽禁衛視選舉衆寡以稽風化視學校興廢以稽教導時聽其言

建隆考課令

建隆三年十一月十日有司言考課令州縣戶口增者

刺史縣令進考一等今請損戶口一分以上者降考

二年

正月戊申初嚴終舉之法二十一日詔令尉任內無盜者署上考州

於考帳定功過等第申省乾德四年八月十日詔憲府

天官秋曹以三年為滿開寶九年十一月庚午太宗詔
諸道漕臣廉訪官吏能否第為三等臨事簡慢為下職
務粗治為中治狀尤異為上

景德元年九月丙戌同

元祐二年五

月十八日三省言文彥博奏請吏部長貳考守令通判
才德功過為上中下三品送中書門下覆其可否給舍
看詳請依元豐考課令通取善最分三等監司審覆長
貳以功過顯著者奏聞升黜之歲無得過五人從之四
年八月五日吏部言縣令委守倅考察課績以德義清

謹公平恪勤為四善獄訟無寃催科不擾為治事之最
農桑墾殖水利興修為勸課之最屏除奸盜振恤貧困
為撫養之最通取善最為三等及七事為上二為中餘
為下從之元祐著令知州考課委監司考察吏部折等第侵者中書取旨紹興三年八月十五日詔吏部申明守令四善四最法十月六日舒

清國請以戶口增否立守令考課法二月朔吏部尚書席益請指乾德四年詔書凡當調才行取課績優著者以名聞六年四月三日周祕言國家以

十五事考校監司以四善四最法校守令比歲諸路不

奏課績詔吏銓申嚴行之二十六年十二月九日正言

凌哲言祖宗考課監司法給御前印紙宜久任以行殿

最四朝志考功以七事考監司以四善三最考守令

舊置考課院其定殿最有考辭元豐悉罷

崇寧二年九月壬寅尚書

省立考課三
十條詔行之

淳化考課院見院類咸平臨軒黜陟慶歷磨

勘法

建隆二年五月己卯魏仁濂等以羨利增秩舊制文武

常參官以閑劇為月限考滿即遷上曰此非循名責實
因罷歲月序遷之制太宗常欲自宰相修唐制書考之
事既而但欲責其稱職遂止太平興國二年正月壬申
詔曰虞書考績爰及三年漢官奏課聿定九等曹掾官
及令簿尉吏部南曹給印紙厯俾州縣長吏書其績用
愆過秩滿差其殿最斯舊章也其申明之六年二月癸
酉朔詔京朝官釐務於外者咸給御前印紙令書治迹
有司但以細事混淆其間自今非課最不得書為勞績

一本云二月一日詔羣臣給御前印紙善惡無隱殿最必書

雍熙四年三月庚辰詔

知州通判給御前印紙書課績罷官日上中書考校淳

化五年五月戊寅御書印紙

見御書

八月庚寅李虛己以

得御書印紙上表獻詩上曰吾得良二千石矣咸平四

年四月十五日丙辰審官院引對京朝官于崇政殿遷

秩有差

先是三年七月諭宰臣錄庶官功過編冊以進

舊制郊恩百僚序進上

即位諫官孫何景望請罷之以塞僥倖於是郊禮行慶

止加勳階爵邑而命有司考其殿最臨軒黜陟之五年

十二月詔京朝官五年以上遷秩景德四年七月詔三年以上引對特令考課者不在此限祥符九年九月戊辰詔外任京朝官依例考課遷秩京朝官磨勘始此天禧元年二月十三日詔改秩及三歲審官院磨勘天聖七年十一月庚申詔京朝官依景德四年七月敕到闕以前轉官及三年聽磨勘未及者須四年其任廣南西川及三年上課審官院景德元年正月丙戌中書言諸路提刑如舊制給御前印紙書殿最從之慶歷三年十

月壬戌詔曰虞典考三載之績周官計羣吏之治
祥符之際考課有限年之制入官有循資之格自
今京朝官有舉官五人方得磨勘外郎至卿監亦
如之舉者不足增二年五年二月辛卯詔以廉士
不能自進罷之仍如舊制 治平三年二月十九
日翰林學士承旨張方平等言真宗因諫官孫何
等上疏罷郊祀序進之制 熙寧六年六月朔罷
考課院元豐六年正月二十四日尚書省請置六

察殿最簿

天聖叙遷圖

天聖元年王欽若以上初臨政謂平時百官叙進皆有常法乃為叙遷圖以獻冀便省覽仁宗閔積弊下明詔破拘寧之例以薦進人才革因循之法以旌別能否減任子之數設守宰之課

嘉祐考績新書

慶歷二年正月癸亥詔提刑到闕令磨勘院具功過分

三等上與省府判官轉運使副中興大藩下與州郡用
中丞賈昌朝之言也康定元年三月三司使鄭戩請後
轉運使考課格以行殿最皇祐元年二月五日三司使
葉清臣言朝廷謹庶獄置考課一司考提刑朝臣進退
請命兩制考轉運使分五等從之陳升之又上選用責
任考課三法嘉祐二年七月二十一日辛卯命翰林承
旨孫朴中丞張昇磨勘轉運提刑課績詔常以中丞學
士典領五年六月辛未命胡宿趙槩六年八月丁丑詔

曰先王考績之法見於經朕以諸路刺舉之官未有法考其賢否比令有司詳議考校課績之法以歲滿所上功狀定其殿最為上中下三等用唐考功四善之法考行實而升黜之又擇左右可信之良使典治之以新書布天下一云令考校課績院
以所定條目行之治平三年六月知磁州李田再考在劣等監淄州稅初嘉祐六年立考課法坐考劣降自田始四年八月知潭州王宰以課績優獎諭賜帛十一月十二日丁亥神宗手詔令考課院詳定考課

縣令法熙寧二年五月定考校知縣縣令課法分上中
下三等三年七月十八日詔中書門下考察内外官置
簿記功過歲終升黜之 紹興三十二年孝宗即位
十一月丙申詔帥臣監司具部內諸州治行臧否以
聞乾道二年四月己亥三年八月癸亥詔經筵給舍
討論祖宗考課法淳熙七年二月詔改官定八十員
之額八年閏三月辛巳復命監司帥臣歲以所部郡
守臧否來上皆著事實考察不公者御史劾之初元

祐二年三月己亥詔改官歲以百人為額

孝宗磨厲
才蒐舉

事虧郎陟郡勞臺登縣
績武優轉級職待有熟

蘇紳陳便宜八事言選人

條約太嚴舊制三人保者得遷京官今則五人舊轉

運提刑率當三人今止當一人舊大兩省官歲舉五

人今則舉三人陞朝官舉三人今則舉一人舊不以

在任及所統屬皆得奏舉今則須在任及統屬後知

州視屬邑多少裁定其數又常參官不許薦士志

仁宗尤以選人遷京官為重雖有司引對法當與帝

亦省察當否乃可之

增四考為六考增舉者四人為五人非本部無輒舉又增縣令舉主

主三員

治平間賈黷言吏部奏舉磨勘選人未引見者至

二百五十餘人方天聖中法尚簡選人以四考改官諸路使者薦部吏數未有限而臺閣常參官常任知州通判者雖非部吏皆得薦時改官者歲才數十其後條約漸繁然磨勘應格者不越旬日即引對未有待次者皇祐中始限監司奏舉之數其法益密而待次不減六十人今才十年而多至三倍向法疎而數省今法密而

數增在薦吏歲限定員務充數而已明年詔歲舉京官以三分率之一分舉職官有舉者三人任滿選如法蔡抗言歲舉無慮千九百員可罷知雜御史觀察使以上歲得舉官法從之三年五月甲子自是舉官之數彌省矣 紀

治平二年四月辛丑詔監司知州薦所部吏歲限定員不問能否一切取足自今務在得人不必充所限之數

三年十月丁亥詔禮部三歲一貢舉

元年十月丙申詔中外近臣監司舉

治行素著可備
升擢者各二人

紹興舉薦按察四條

紹興二十九年五月十六日己巳左僕射沈該等請徵
元祐宰臣司馬光陳請舉按官吏八條令監司郡守按
察所部官吏其舉薦四條一曰仁惠二曰公直三曰明
敏四曰廉謹按察四條一曰苛酷二曰狡佞三曰昏懦
四曰貪縱州舉之監司監司舉之朝廷監司按察知州
軍通判路分都監以上知州軍通判按察兵職曹官以
上及諸縣令丞以申監司 乾道七年六月十九日右

正言許克昌奏日者命臺諫兩省以上以四條薦
建隆二年命翰林學士常參官舉幕職令錄一人職令
用舉主始此 開寶三年命翰林學士及升朝官舉升
朝一人選人用舉主改官始此 祥符三年詔內外所
舉幕職州縣官須經三任六考限考受薦始此 天禧
元年詔兩省五品以上歲舉京朝官五人升朝官舉三
人薦舉限員始此 三年中書言舉充朝官者舉主及
五人即以名聞舉主用五人始此 天聖二年非通判

以上不得舉官非見任屬吏不得受薦而舉主須用職

司有轉運制置發運提刑勸農使二人
若止一人則用常參官二人保舉

元符二年每

歲分上下半年奏舉

開寶三年三月壬寅詔貢士

十五舉以上並賜出身仍勿為例此初行進士特奏

名思例 元祐元年八月上官均言嘉祐四年以後

係特奏名者纔數十人自治平至熙寧三年止有百

餘人自熙寧六年至今每次推恩入仕不減四五

百人 元豐八年係第四等以上者四百餘人

麟題信厚之族章敘於內鷺羽羣飛之賢夷儀於外

豐芑燕翼之仁棫樸作人之壽 薪有光棫河無伐檀

魚罩駒維英收俊攬 天麻地涵 拔奇取異 魁

車賁帛 任良服官 漢爵般秩 振鷺之聲充庭鴻

譽之當漸階 豪傑林立謀猷川行 披華發輝 舒

翹揚英

欽定四庫全書

子部

玉海卷一百十九

詳校官中書臣張經田

主事臣祁韻士覆勘

總校官進士臣朱 鈴

校對官主事臣陳文樞

謄錄監生臣蔣予琳

欽定四庫全書

王海卷一百十九

宋 王應麟 撰

官制

官名

論語撰考云黃帝受地形象天文以制官伏羲已前雖有三名未必具立官位至黃帝名位乃具

黃帝官名

史記官名皆以雲命為雲師 左傳文八年注繕雲黃帝時官名

少皞氏官名 炎帝太皞氏 頸項官名

左傳昭十七年秋鄭子來朝公與之宴昭子叔孫問焉曰少皞氏以鳥名官何故也鄭子曰吾祖也我知之昔黃

帝以雲紀故為雲師而雲名

注黃帝姬姓之祖也黃帝受命有雲瑞故以雲紀事

百官師長皆以雲名號繕雲氏蓋一官也應劭曰黃帝受命有雲瑞故以雲紀事也故春官為青雲夏官為
繕雲秋官為白雲冬官為黑雲中官為黃雲正義服虔注同張晏曰黃帝有景雲之應史記正義黃帝置

五官見後炎帝氏以火紀故為火師而火名

注炎帝神農氏姜姓之祖也亦

有火瑞以火紀事名百官 應劭曰春官為大火夏官為鶴火秋官為西火冬官為北火中官為中火服虔注

同 張晏曰共工氏以水紀故為水師而水名

注共工以諸侯

霸有九州在神農前太皞後受水瑞以水名官服虔曰春官為東水夏南秋酉冬北中官為中水

大皞

氏以龍紀故為龍師而龍名

注大皞伏羲氏風姓之祖也有龍瑞故以龍命官

應劭曰春官為青龍夏官為赤龍秋官為白龍冬官為黑龍中官為黃龍服虔注同 張晏曰神龍負圖而至春秋正義曰此皆虛而不經 少皞不以五方名官焉知彼四代皆以四時五方名官焉

我高祖

少皞摯之立也鳳鳥適至故紀於鳥為鳥師而鳥名鳳

鳥氏歷正也

注鳳鳥知天時故以名歷正之官正義歷正主治歷數主天時之官

玄鳥氏

司分者也

玄鳥燕也以春分來秋分去

伯趙氏司至者也

伯趙伯勞也以夏至

丹鳥氏司啟者也

青鳥鶴鶲也以立春鳴立夏止

丹鳥氏司閉者

丹鳥鷺雉也以立秋來立冬去入大水為蜃上四鳥皆歷正之屬官正義分至啟閉立四官使主之鳳皇

氏為祝鳩氏司徒也

祝鳩鷦鷯也鷦鷯孝子為司徒主教民

鷦鷯氏司馬

也

鷦鷯王鳩也驚而有別故為司馬主法制鷦鷯氏司空也鷦鷯鷦鷯也鷦

空平水土爽鳩氏司寇也

注爽鳩鷹也驚故為司寇主盜賊昭二十年齊晏子曰昔爽鳩氏

始居此地

鶡鳩氏司事也

注鶡鳩鶡鶡也春來冬去故為司事正義司事謂營造之事

五

鳩鳩民者也

注鳩聚也治民上聚故以鳩為名

五官之名與曲禮同但司士為司事

五雉

為五工正

注五雉雉有五種西方曰鶴雉東方曰鷗雉南方曰翟雉北方曰鵠雉伊洛之南曰翬雉

正義賈逵云鶴雉攻木之工鷗雉搏埴之工翟雉攻金之工鵠雉攻皮之工翬雉設五色之工

利器用

正度量夷民者也

夷平也

九扈為九農正

注扈有九種也春扈鳩鶡

夏扈竊玄秋扈竊藍冬扈竊黃棘扈竊丹行扈喈喈宵

扈噴噴桑扈竊脂老扈鶡也以九扈為九農之號各隨其宜以教民事

晏子春秋曰夷

鳩氏始封此少昊氏之農正也

注扈止也

扈民無淫者也

注扈止也

不自顯項以來不能紀遠乃紀於近為民師而命以民事則不能故也仲尼聞之見於鄭子而學之曰天

止使不淫放

子失官學在四夷

注於是仲尼年二十八聖人無常師正義歷正及司徒司空工農之屬皆

以後代之官所掌之事記言之言如今之此官也

汲冢周書黃帝乃命少昊請司馬鳥師以正五帝之官周禮疏易通卦驗云天地成位君臣道生君有五期輔有三名注三名公卿大夫政教君臣起自人皇之世至伏羲因之故文耀鈞云伏羲作易名官者也論語撰考云云云左傳服虔注春官為木正夏官為火正秋官為金正冬官為水正中官為土正高辛氏因之唐

氏系表少昊氏以鳥鳥名官以世功命氏鳥氏

堯官名 六官

周禮疏堯舜官號稍改堯典乃命羲和注云堯育重黎之後羲和氏之子使掌舊職天地之官亦紀於近命以民事其時官名蓋曰稷司徒是天官稷也地官司徒也又云命羲和仲叔使分主四方注仲叔亦羲和之子堯既分陰陽四時又命四子為之官掌四時者字曰仲叔則掌天地者其曰伯乎是有六官分命仲叔注云官名

蓋春為秩宗夏為司馬秋為士冬為共工通稷與司徒是六官之名鄭玄分陰陽為四時者分高辛時重黎之天地官使兼主四時耳共工注水官也堯天官為稷又司徒士此三官是堯時事舜述前功秩宗舜時官也唯無夏官之名夏傳云司馬在前則羲叔為夏官是司馬也鄭云初堯冬官為共工舜舉禹治水堯知其必成功故改命司空以官名寵異之非常官也至禹登百揆之任捨司空之職為共工與虞垂益是也始羲和之時主

四岳者謂之四伯後分至八伯堯初天官為稷至試舜謂之百揆舜命禹為之即天官也

以稷為天官羲叔為夏官共為六官

通典舜為六官以主天地四時注崔靈恩曰重黎世掌天地號羲和堯置天地四時之官復羲和職掌天地又命仲叔使主四時為六卿舜改地官曰司徒秋官為士冬官為司空春官為秩宗

唐虞建官 設官分職

書周官唐虞稽古建官惟百內有百揆四岳外有州牧

侯伯夏商官倍疏百揆為羣官之首立一人四岳內典四時之政外主方岳之事立四人牧一州之長侯伯五國之長各監所部之國外內置官各有所掌百揆四岳象天之有五行少昊立五鳩氏顓頊已來立五行之官其數亦有五 魏志王肅上疏唐虞設官分職申命公卿各以其事惟龍為納言猶今尚書也

周定官分職

禮設官分職疏設天地四時之官官各有主 漢地理

志周既克商監于二代而損益之定官分職後百官
志周公作周官分職著名法度相持周官正義周禮
每官言人之員數及職掌立其定法授之成王立三公
九卿是設官也各言所掌是分職也書召誥王先服
殷御事比介于我有周御事注有周治事之臣

左傳襄十五年春官師從單靖公逆王后于齊注
官師劉夏也天子官師非卿也楚語伍舉曰天子
以公侯為官正以伯子男為師旅詩鹿鳴箋周行

周之列位也 左傳王及公侯伯子男甸采衛大夫各居其列所謂周行也

周秩官

禮司闢凡四方賓客敏闢則為之告注鄭司農說以國語曰周之秩官有之曰敵國賓至闢尹以告行理以節逆之 周語單襄公告定王曰周之秩官有之曰敵國賓至闢尹以告行理小行人以節逆之候人為導卿出郊

勞門尹

司門除門宗祝

宗祝

大祝執祀司里授館司徒具徒司

空視塗司寇詰姦虞人入材甸人積薪火師監燎水師
監濯膳宰致餐廩人獻餼司馬陳芻工人展車百官官
以物至賓入如歸其貴國之賓至則以班加一等益虔
至於王使則皆官正涖事上卿監之若王巡守則君親
監之注秩官周常官篇名又引夏令時倣周制先王之令亢倉子政
道篇周之秩官云人強勝天注周書篇 小宰官府六
叙注叙秩次也謂先尊後卑 典命注命謂王遷秩
羣臣之書

晉文公作執秩正其官主爵秩之官也 鄭子產曰文公之為

主爵秩

鄭子產曰文公之為

盟主也司空以時平易道路圬人以時填館宮室諸侯賓至甸設庭燎僕人巡宮車馬有所賓從有代巾車輶轄隸人牧圉各瞻其事百官之屬各展其物 師服曰天子建國諸侯立家卿置側室大夫有貳宗士有隸子弟庶人工商各有分親皆有等衰 衛武公位寧有官師之典

周官政

史記周公世家成王在豐天下已安周之官政未次序
周公作周官別其宜作立政以便百姓

周官政法

隋志漢時有李氏得周官周官蓋周公所制官政之法
上於河間獻王 文選王融策秀才文周官三百漢
位兼倍注漢書曰秦立百官漢因循不革自佐史
至丞相十二萬三百八十五人今云兼倍略言之

耳

漢中六年官名

史記景帝紀中六年四月更命廷尉為大理將作少府為大匠主爵中尉為都尉長信詹事為長信少府將行為大長秋大行為行人奉常為太常典客為大行治粟內史為大農表在後元年以大內為二千石置左右內官屬

大內

漢百官表中六年
太祝更名祠祀

漢書景紀中六年十二月改

諸官名定鑄錢偽黃金棄市律紀又云中二年春二月有大鴻臚大行顏師古注以為表誤云中六年更名大鴻臚劉原父以為追舉最後官名

百官

公卿表景帝初更衛尉為中大夫令二年令內史置左
右中二年更郡守尉曰太守都尉中五年令諸侯王不
得復治國天子為置吏改丞相曰相省御史大夫廷尉
少府宗正博士官大夫謁者郎諸官長丞皆損其員後
元年復衛尉之名治粟內史更名大農令餘同
史記

史記禮書高祖襲秦故自天子稱號下至佐僚及官室
官名少所變改 賈誼傳為官名悉更奏之文帝未皇
也

漢太初官名

武帝紀太初元年夏五月正歷定官名

劉歆議武帝建
封禪殊官號存

周後表更祠祀曰廟祀郎中令曰光祿勳中大夫為光

祿大夫家馬為桐馬大行令為大鴻臚行人為大行令

大農令為大司農考功室為考功左弋為佽飛

韓非子
衛人有

佐弋居室為保宮甘泉居室為昆臺永巷為掖庭中尉

為執金吾東園主章為木工右內史為京兆尹左內史

為左馮翊主爵中尉為右扶風

諸侯王大
僕改曰僕

初置則太常

之太卜光祿之羽林營騎太僕之路軒鴻臚之別火

建章

太僕之路軒鴻臚之別火

建元二年省太尉明年置期門又明年復廷尉自是增

益若五經博士大司馬司直諫大夫水衡部刺史三輔都尉其後置司隸遣直指曰屬國搜粟農奉車駙馬以

命都尉之官曰中壘屯騎步兵越胡騎長水射聲虎賁

護羌以命校尉之官

大事記曰八校尉奉車駙馬農都尉皆武帝初置不載年

漢復官名 漢官威儀

光武紀光武行司隸校尉時三輔吏士東迎更始見諸

將過皆冠幘而服婦人之衣諸于綉駔莫不笑之及見司隸僚屬皆歡喜老吏或垂涕曰不圖今日復見漢官威儀由是識者皆屬心焉光武持節北渡河鎮慰州郡考察黜陟如州牧行部事輒平遣囚徒除王莽苛政復漢官名吏人喜悅爭持牛酒遺勞 前百官表

兼王莽傳秦

立百官之職漢因循不改明簡易隨時宜也王莽慕從古官而吏民弗安元始四年冬更公卿大夫八十一元士官名位次改太常曰秩宗廷尉曰作士并宗正於秩宗改少府曰共工水衡

曰子虞改大農曰羲和後更為納言大鴻臚曰典樂光
祿曰司中太僕曰太馭衛尉曰大衛執金吾曰奮武中
尉曰軍正改郡太守曰大尹都尉曰大尉縣令長曰宰
御史曰執法後又置卒正連率 耿純傳謁光武於邯
鄲退見官屬將兵法度不與他將同遂自結納 郎顗
傳陽嘉二年顗言七事漢興以來三百三十九歲官名
稱號與服器械宜有所更

漢百官簿 置官本末

百官志班固著百官公卿表記漢承秦置官本末訖于
王莽差有條貫然皆漢武奢廣之事又職分未悉世祖
節約之制宜為常憲故依其官簿粗注職分以為百官
志注曰百官簿 劉昭補志序司馬續書總為八志律
歷之篇仍乎洪邕所作車服之本即依董蔡所立儀祀
得於往記百官就乎故簿 安帝紀延光元年八月己
亥詔三公中二千石舉刺史令長相視事一歲以上至
十歲清白愛利能敕身率下者無拘官簿注謂不拘常

牒也 翟方進傳陳咸逢信官簿皆在方進之右及御史大夫缺而方進得之

漢官多襲秦舊上自三公九卿內則中尉將作詹事將行典屬國主爵護軍博士僕射與侍中等之加官外則爵二十級監御史郡守尉關都尉縣令長與游徼嗇夫之小吏皆秦置漢因者也官名改於景帝之六年增置於建元之後定於太初之元司直以佐丞相司隸以察中都五經博士諫大夫大卜路軫別火列于九卿之屬

水衡搜粟奉車駙馬三輔農屬國列于都尉之職期門
營騎之設八校直指之置大司馬之冠將軍內史主爵
之更三輔監御史之改十三部刺史廷平都護肇于地
節戊己校尉尚書五人昉于初元建始或以太師太保
冠司馬將軍或以司徒司空易丞相御史皆西都初置
者也太傅師保之法乎古司隸內史將軍之仍乎周

漢五曹官制

前志陰陽家五曹官制五篇漢制似賈誼所條 賈誼

傳以為漢興二十餘年宜定官名興禮樂迺草具其儀法為官名悉更奏之文帝謙遜未皇也丙吉傳召東曹案邊長吏瑣科條具人張晏注瑣錄也

漢官篇 舊制儀品

隋志漢官解詁三篇漢新汲令王隆撰胡廣注

唐志
三卷

後百官志世祖中興務從節約并官省職故新汲令王隆作小學漢官篇諸文倜說較畧不究注按胡廣注隆此篇其論之注曰前安帝時越騎校尉劉千秋校書東

觀樊長孫與書曰宜撰次依擬周禮定位分職劉君甚
然其言與郎中張平子參議未定會劉君遷為宗正衛
尉平子為尚書郎太史令各務其職未暇恤也至順帝
時平子為侍中典校書方作周官解說乃欲以漢次述
漢事會遷河間相遂莫能立顧見新汲令王文山小學
漢官篇畧道公卿内外之職旁及四夷博物條暢足知
舊制儀品聊集所宜為作詁解各隨其下綴續其事

馮隆

翊人建武中著詩賦
銘書凡二十六篇

漢官儀

應劭傳建安二年時遷都於許舊章湮沒劭乃綴緝所聞著漢官禮儀故事凡朝廷制度百官典式多劭所立又論當時行事著中漢輯序撰風俗通以辨物類名號釋時俗嫌疑凡所著述百三十六篇詳見禮制隋志應劭

漢官儀十卷

唐志同

又有應劭注漢官五卷韋昭官儀職

訓一卷亡

漢志注多引漢官儀又有漢書目錄

中興書目一卷載光武

以來三公百官名氏爵里今漢官儀存一卷李臺補

續一卷

漢官典儀

唐志蔡質漢官典儀一卷 隋志漢官典職儀式選用二卷
漢衛尉蔡質撰 蔡邕傳注質字子文著漢職儀
邕之叔父 唐志丁孚漢官儀式選用一卷

漢永元置官

和帝紀永元二年二月己亥復置西河上郡屬國都尉
官三年十二月復置西域都護騎都尉戊巳校尉官九

年十二月己丑復置若盧獄官十年九月庚戌復置廩

犧官十一年四月己巳復置右校尉官

在西河
鶻澤

十四年

五月丁未初置象林將兵長史官是歲初復郡國上計
補郎官十五年七月丙寅復置涿郡故安鐵官十六年
十二月復置遼東西部都尉官

漢官列職

續志注臣昭曰凡漢官所載列職人數今悉以注雖頗
為繁蓋周禮列官陳人役於前宏模不可闕也 始於

太傅次太尉司徒司空次將軍九卿自太常至少府次

執金吾太子太傅少傅大長秋將作大匠城門校尉北

軍中候司隸校尉河南尹三輔州郡縣郡亭里匈奴中

郎將烏桓校尉護羌校尉次王國宋衛國列侯關內侯

四夷國終於百官奉

凡五卷

漢宮所載太常以下員吏之

數

見九卿類

官數

見官類省

漢官名秩簿

前百官表注師古曰漢官名秩簿云斗食月奉十一斛

佐史月奉八斛 後禮志注漢官名秩曰賜司徒司空

帛四十匹九卿十五匹又曰大將軍三公臘賜云 官

志注引應劭漢官名秩丞皆選孝廉郎又引晉公卿禮

秩荀綽晉百官表注

漢百官典式

見官儀

漢百官表 晉百官表注

中興書目東漢百官表一卷不知作者紀建武至建安

三公百官罷免月日 隋志晉荀綽百官表注十六卷

後漢志注
多引之

魏官儀 魏晉官品令 齊職儀 梁職官要

錄

隋志梁有荀攸魏官儀一卷

南齊志今有魏氏官儀
魚豢中外官名

徐宣

瑜晉官品一卷晉百官儀服錄五卷大興二年定官品事五卷百官品九卷亡 晉志案魏晉官品令又有禁防御史第七品 隋志齊職儀五十卷長水校尉王珪

之撰

永明九年其子頤上之詔付祕閣

宋職官記九卷

七

書目梁陶

彥藻撰職官要錄隋唐志皆云三十卷今殘缺後求得

七卷又有補遺十八卷與前七卷首尾互見

唐志三十六卷郎

楚之隋官序錄十二卷 魏咸熙元年七月晉文王奏

尚書僕射裴秀議官制大保鄭冲總裁始建五等爵

秀傳云改官制議五等之爵 漢百官志注引劉劭爵

制

晉百官名

隋志魏晉百官名五卷晉百官名三十卷 唐志陸機
晉百官名三卷晉官屬名四卷晉過江人士目一卷
六典注引元康百官名 文選注引晉百官名 世說
注引晉東宮官名

晉官品令

後魏禮志案晉官品令所制九品皆正無從故以第八
品準古下士今皇朝官令皆有正從劉芳
議 晉志魏晉

官品令又有禁防御史第七品

元魏職員令

後魏書太和十五年十一月乙亥定官品十七年六月乙巳作職員令二十一卷行之十九年十二月乙未朔見羣臣於光極堂宣下品令為大選之始

唐志魏官品令一卷

通典後周酌周禮建六官 隋書大業三年始行新令有三臺五省五監十二衛十六府 唐志有隋所有而唐廢之者謁者臺內謁者局諸衛察非掾都督府典籤之屬有隋所廢而唐復置者三師左右司郎散騎常侍

殿內侍御史詹事府之類

唐武德官名定令

舊職官志高祖發跡太原官名皆依隋舊

元年改納言殿中置諫議

廢越騎步兵二年置宗師三年改侍中中書省四年改祕書少監著作局太史局五年改左右衛等

武德

七年通鑑三月定令以太尉司徒司空為三公尚書中書門

下祕書殿中內侍為六省次御史臺次太常至太府為

九寺次將作監次國子學次天策上將府次左右衛左

右驍騎左右領軍左右監門左右屯左右府

為十四衛府東宮置三師三少詹事府門下典書兩坊
次內坊次家令率更僕三寺次左右衛率府至左右內
率府為十率府王公以下置府佐國官公主置邑司並
為京職事官通鑑
云云州縣鎮戍岳瀆關津為外職事官又
以開府儀同至將仕郎二十八階為文散官驃騎大將
軍至陪戎校尉三十一階為武散官上柱國至武騎尉
十二等為勲官輔國至游擊十將軍為散號將軍以加
武士之無職事者九年六月
乙酉罷天策上將軍府武德九

年領令定用上柱國至武騎尉凡十二等起正二品至從七品十二轉

武德七年正月置大中正二月戊午改大總管為大都督府

武德令

唯有公侯伯子男爵貞觀十一年加封國之稱又武德

令禮部次吏部兵部次之民部次之武德令御史中丞從

五品吏部郎中正五品上諸司郎中正五品上祕書丞

正五品諸陵令從七品萬年長安令從五品中下州刺

史正四品下州刺史從四品上上州別駕正五品上門

下省武德定令侍郎正三品中書門下侍郎同尚書侍

郎正四品給事郎曰給事中左散騎常侍為加官

唐貞觀改定官名令

唐志貞觀元年改國子學為國子監分將作監為少府
監通為三監十一年改令置太師太傅太保為三師其
三公以下六省一臺九寺三監十二衛東宮諸司並從
舊令又改以光祿大夫為從二品云云至朝散大夫為五
品下其六品下惟通議郎為奉議更置驃騎大將軍為
從一品又置昭武振威致果翊麾宣節禦武仁勇陪戎

八校尉為六品已下武散官又貞觀令以職事高者為
守卑者為行 五代會要云唐初定官品令

唐官著令 唐官定制

志太宗省內外官定制為七百三十員曰吾以此待天
下賢才足矣然是時已有員外置其後又有特置同正
員至於檢校兼守判知之類皆非本制又有置使之名
或因事而置事已則罷或遂置而不廢其名類繁多莫
能徧舉 通典貞觀六年大省內官凡文武定員六百

四十有三而已 通鑑上謂房玄齡曰官在得人不在
員多命玄齡併省留文武總六百四十三員 曹確傳
咸通中優人李可及為威衛將軍確曰太宗著令文武
官六百四十三謂房玄齡曰朕設此待天下賢士工商
雜流拔出等夷止當厚給以財不可假以官與賢者比
肩立同坐食也

見政要

舊史曹確傳確執奏曰臣覽

貞觀故事太宗初定官品令文武官共六百四十三員
貞觀政要元年量定員位所置文武總六百四十員

會要貞觀中太宗定制內侍省不置三品官

唐龍朔官名

紀龍朔二年二月甲子大易官名
志龍朔二年改尚書省曰中臺廢尚書令尚書曰太常伯侍郎曰少常伯
左右僕射曰左右匡政龍朔元年改左右丞曰左右肅機郎中曰左右承務諸司郎中曰大夫改吏部曰司列
主爵曰司封考功曰司績會要作二年司勲郎中為司勲大夫二年改戶部為司元度支為司度金部為司珍倉部

為司庾禮部曰司禮祠部曰司禋膳部曰司膳

會要主客曰司

蕃志無兵部曰司戎職方曰司城駕部曰司輿庫部曰司

庫刑部曰司刑都官曰司僕比部曰司計司門曰司

關工部曰司平屯田曰司田虞部曰司虞水部曰司川門

下省曰東臺侍中曰左相黃門侍郎曰東臺侍郎左右

散騎常侍曰左右侍極諫議大夫曰正諫大夫起居郎

舍人曰左右史元年改中書省曰西臺中書令曰內史

會要中書侍郎曰西臺侍郎並作二年志無改侍郎事元年置監察御史裏行二

年改祕書省曰蘭臺監曰太史少監曰侍郎丞曰大夫
祕書郎曰蘭臺郎著作局曰司文局著作郎曰郎中佐
郎曰司文郎太史局曰祕書閣局令曰祕書閣郎中殿
中省曰中御府監曰大監丞曰大夫尚食局曰奉膳尚
藥局曰奉醫局尚衣局曰奉冕局尚舍局曰奉宸局尚
乘局曰奉駕局尚輦局曰奉輶局內侍監曰內侍省
置贊德承閨宣儀承旨至侍中御史臺曰憲臺大夫曰大司憲中丞曰
司憲大夫太常寺曰奉常寺九卿皆曰正卿少卿曰大

夫光祿寺曰司宰衛尉寺曰司衛宗正寺曰司宗太僕

寺曰司馭

大僕事志作永徽
中會要云龍朔

大理寺曰詳刑鴻臚寺曰

同文

會要曰
司賓

司農寺曰司稼大府寺曰外府國子監曰

司成館祭酒曰大司成司業曰少司成博士曰宣業少

府監曰內府監將作監曰繕工監大匠曰大監少匠曰

少監都水監曰司津監使者曰監左右衛府驍騎府武

衛府皆省府字左右威衛曰左右武威衛左右領軍曰

左右戎衛左右侯衛曰左右金吾衛左右監門府曰左

右監門衛左右千牛府曰左右奉宸衛後又曰左右千牛衛詹事府曰端尹府詹事曰端尹少詹事曰少尹門下坊曰左春坊左庶子曰左中護中允曰左贊善大夫司議郎分左右置左右諭德各一人改司經局曰桂坊改司經局
志作三年典膳監曰內直監曰內直郎副監曰丞齋帥局曰典設局齋帥曰郎典書坊曰右春坊右庶子曰右中護中舍人曰右贊善大夫舍人曰司議郎家令寺曰宮府寺家令曰大夫率更寺曰司更寺令曰司更大夫

僕寺曰馭僕寺僕曰大夫左右衛率府曰左右典戎衛
左右宗衛率府曰左右司率府左右虞候率府曰清道
衛內率府曰奉裕衛監門率府曰崇掖衛 帝之初即
位也改民部為戶部治書侍御史曰中丞治禮郎曰奉
禮郎永徽三年改中郎將曰旅貴郎郎將曰翊軍郎又
廢諸衛長史而置司馬改太子中允曰內允中舍人曰
內舍人兩都尹為長史顯慶二年分散騎常侍為左右
改青城宮監為東都苑監三年廢書律算學五年改左

右府曰左右千牛府逮于龍朔之元乃改左右肅機承
務及大夫之名又更司列司封司績及西臺內史之號
置監察御史裏行之職 舊紀龍朔二年二月甲子改
京諸司及百官名又改六宮內職名 尚書門下曰中
臺東臺其屬則有匡政常伯左相侍極正諫左史之稱
御史祕書曰憲臺蘭臺其屬則有大司憲大夫太史司
文祕書之號司元司度司珍司庾禮禋膳蕃戍城輿庫
刑僕計闢平田虞川而諸司之名改焉奉常司宰司衛

司宗司馭詳刑司文司稼迄于外府而九寺之名改焉
自奉膳至奉輿是為中御府之屬自贊德至侍巾是為
內官之級監則內府繕工司津而司成館有司成宣業
之名衛則左右驍武威戎金吾而又增監門奉宸之職
端尹春坊中護贊善諭德之有其官左右司議內直典
設之有其職宮府至馭僕司更寺典戎至崇披為十率
又所以易儲官之名也 紀咸亨元年十一月庚寅復
官名而營繕監領軍衛又是歲之所改咸亨元年改繕
工曰營繕戎衛

曰領 武后紀光宅元年九月甲寅大易官名

志文明
元年即

光宅元年 尚書省曰文昌臺而易天地春夏秋冬之官侍

中曰納言而又更鳳閣內史之號御史曰肅政臺分左

右而置殿中裏行之職司禮司膳司衛司屬司僕司刑

司賓司府以易九寺之名武威驍鷹揚武豹韜威玉鈴

領軍以易諸衛之名太史局曰渾天監詹事府曰宮尹府

至於左史符寶郎改於天授延載元年習藝館之改太

史局之復保章正靈臺郎中臺之改又見於如意之元

及長安之二年三年先是垂拱元年改都臺鸞臺麟臺司宮臺之名成均水衡尚方監之職司封珍羞之號

在光

宅後

唐開元刊定職次 開元格令

通典開元二十五年刊定職次著為格令蓋尚書省以統會衆務舉持繩目門下省以侍從獻替規駁非宜中書省以獻納制冊敷揚宣勞祕書省以監錄圖書殿中省以供修膳服內侍省以承旨奉引凡六省御史臺以肅

清僚庶九寺五監以分理羣司六軍十二衛

左右衛驍衛威衛領

軍金吾監門千牛為十六衛以嚴其禁禦一詹事府二春坊三寺十

率俾乂儲宮牧守督護分臨畿服設官以經之置使以

緯之自六品以下率由選曹居官者以五歲為限於是

百司具舉庶績咸理亦一代之制焉注此格皆武德貞

觀之舊制永徽初已詳定之至開元二十五年再刊定

焉二十一年又省文武六品以下三百餘員舊志侍

中中書令吏部尚書舊班在左相上開元令移在下太

子賓客舊無品開元令定入官品御史大夫舊班在
祕書監九卿下開元令移在上大都護府副都護舊正
四品上開元令加入從三品黃門侍郎中書侍郎舊正
四品下開元令加入上階大理正太常丞太史令舊正
六品上開元令改從五品下下牧丞武德令正
八品開元前令有沙苑丞 通鑑開元五年九
月復舊官名令史官隨宰相入侍羣臣對仗奏

事

唐官制名號祿秩 品爵勳階

志唐之官制名號祿秩雖因時增損而大抵皆沿隋故其官司之別曰省曰臺曰寺曰監曰衛曰府各統其屬以分職定位其辨貴賤叙勞能則有品有爵有祿有階以時考覈而升降之所以任羣才治百事其為法則精而密其施於事則簡而易行由職有常守而位有常員也唐之盛時其制如此 陸贊傳贊曰按甲令有職事官有散官有勲官有爵號其賦事受俸者惟職事一官

以敘才能以位勲德所謂施實惠而寓虛名也勲散爵
號止於服色資蔭以馭宦貴以甄功勞所謂假虛名而
佐實利者也逆羯亂中原遣戍歲增策勲日廣財賦不
足供賜而職官之賞與職員不足容功而散試之號行

唐官名增損

志唐之官制名號祿秩雖因時增損而大抵皆沿隋云
以官名之更易言之若侍內為納言殿中監為殿中省
殿內侍御史曰殿中將作令少曰大匠少匠鷹揚郎將

曰軍頭又改驃騎將軍鷹擊曰府副又改車騎將軍功
義良曹曰親勲翊衛太守曰刺史贊治丞曰治中別駕
州主簿曰錄事參軍縣書佐曰尉九減官有監則武德
初元也諸司郎中員外之改禮部主客工部之更納言
為侍中紀三月庚午給事郎為給事中內書省曰中書省內
史令曰中書令內充管記曰中舍人舍人則三年也通
事謁者曰舍人祕書少令曰少監著作曹太史監曰局
長秋監曰內侍監內承奉承直曰內常侍給事選部曰

吏部及左右驍威領軍三率中郎將等之改則四年五年七年也功曹司功以下書佐曰參軍修文館曰弘文則武德中及九年也中允河隄謁者改於正觀初國子監改於二年互市都水監弩甲坊改於六年折衝果毅都尉改於十年民部為戶部治禮為奉禮治中別駕為司馬為長史改於高宗之初龍朔咸亨見上神龍元年二年館有昭文修文之名景雲二年監復渾儀之號又改左春坊諸王傅之稱祕書省復於太極元年胄曹復於延和

元年丞相黃門紫微監令紀十二月庚寅符寶珍蓋兩都尹司

錄改於開元元年中書門下侍中復於五年九月壬寅

弘文館復於七年太史監改於二年至十四年而復為

局翰林有供奉至二十六年而改為學士天寶元年復

僕射太史監之官而左右相門下侍郎太守皆改於舊

紀二月丙申十一載改八部名十三載改內侍曰少監乾元

元年改黃門侍郎司天臺觀察處置使之名大厯二年

五年復門下中書侍郎之名開成元年改奉諸王講讀

之名乃若太子正書曰正字司府令曰家令宮門衛曰
監門率皆不載其年 以官名之增置言之若諫議大
夫詹事府武器百工監經學博士助教雍州牧邊要地
總管則武德初元所置也州之宗師十二軍之將軍北
下之修文館典儀門僕八百人番上大中正則二年四
年五年七年所置也諸王師及常侍侍郎舍人誥議友
文學祭酒則武德中所置也十原闕三字 中散騎常侍少
府監吏部侍郎書學史館起居郎置於貞觀元年二年

三年律學博士舟楫令三師三公司議郎王府侍講弘文講經博士京城留守置於六年十一年十八年左右常侍之分洛州司馬贊善大夫詳正學士之置則顯慶二年儀鳳四年漆園監上州別駕之置則上元一年左右遺補諸衛長史兵曹之置則垂拱聖歷之元年司階中候司戈執戟置于天授二年挈壺正內供奉置于長安二年員外郎復置于永昌元年神龍元年省員外郎二年後置掌書記修文館大學士司田參軍置於景龍元二三年諭德

至贊善之復置景雲二年也御史右臺之復置延和元年也景雲元年置龍武將軍二年又置都督二十四開元三年置軍器監五年六年又置乾元院使刊正官麗正修書使學士以至七年置弘文校書郎八年加修撰校理復置十道按察使十一年置麗正修書學士太原尹少尹十三年置集賢侍講學士而太公廟令十五道采訪使崇玄學神武軍置於十九年二十年二十五年二十六年崇玄博士助教學士廣文館內侍監置於天

寶元二九載十三載集賢大學士置於至德二年五官
監候禮生正副團練守捉使置於乾元元年十六衛於
貞元二年而置上將軍諫議於四年而分左右集賢院
於八年而置校書正字六軍統軍行營副都統置於興
元元年兩輔六雄十望十繫州別駕置於太和元年
以官名之廢省言之武德初廢少府都水越騎步兵四
年廢謁者臺七年省吏部侍郎太史監候九年置天策
府二年置十二軍六年而廢八年復置焉七年廢軍器

監八年復置九年又廢焉衣冠局令起居舍人廢于貞觀元年三年寺觀監百工監司農二倉督諸王府鎧田水曹廢于貞觀中津尉廢于永徽中諸衛司馬太史副監及丞廢于聖歷元年長安一年修文館學士員數御史右臺省于景雲元年三年王傅常侍侍郎行軍參謀廢于開元二年十二年殿中天藏府沙苑等監太廟令舟楫令廢于二十三年二十四年二十六年進馬別駕天寶八載省之兵馬元帥大曆八年罷之集賢崇玄大

學士貞元四年罷之八年罷校理元和二年復置而罷
校書正字六年廢中下州文學至是東都留臺中丞省
於元和之後詳正學士講經博士罷於長慶三年 通
典唐內外文武官員凡萬八千八百五文官萬四千七
百七十四武官四千三十內官二千六百二十外官
萬六千一百八十五

唐改尚書省八部名

紀天寶十一載三月乙巳改尚書省八部名 志十一

載改吏部曰文部金倉部曰司金司儲兵部曰武部駕

部曰司駕刑部曰憲部比部曰司計虞水部曰司虞司

水舊志十載正月改又改庫祠膳部曰司庫司禋司

膳大武憲駕庫金
儲計禋膳虞水改將作大小匠曰監

會要十一載二
月二十七日

會要至德二載十二月十五日復文部曰吏部 紀

至德二載十二月戊午通監十
二月復諸州及官名

唐官品令

又見前

王彥威傳文宗時以僕射上事儀注前後不定中丞李

漢奏定朝議未以為尤中書門下奏請依元和七年已前儀注左右僕射上日請受諸司四品六品丞郎以下拜彥威奏曰按開元禮凡受冊官並與卑官答拜國朝官品令三師三公正一品尚書令正二品並是冊拜授官上之日亦無受朝官再拜之文僕射班次三公請依元和七年敕為定雖不從其議論者稱之舊唐書

唐職官十九家

六典史類六曰職官以紀班序品秩漢官解詁等二十

部三百三十六卷 薦文志史錄七曰職官十九家二
十六部二百六十二卷 失姓名十家 始於王隆漢官解詁次

以應劭漢官以官儀名者有應劭蔡質丁孚荀攸王珪
之及干寶之司徒儀注以官名為書者有陸機晉百官
名晉官屬名梁百官人名及晉過江人士目衛禹晉永
嘉流士官簿則登城三戰簿徐勉梁選簿陳將軍簿大
建百官簿狀官品則范曄荀欽明白官階次魏官品令
沈約梁官品百官春秋則宋六卷王道秀十三卷百官

注職官要錄則郭演十卷陶彥藻三十六卷故事則有

傅暢之公卿禮秩故事及職員舊事王方慶官卿舊事

不著錄二十九家二百八十卷自六典至楊鉅學士院

規

舊志歷代職官二十一家

隋志職官二十七部三百三十六卷

周官冢宰總六卿之屬以治其政御史掌其在位名數

先後之次漢書百官表列衆職之事紀在位之次古之

制也漢末王隆應劭等作解詁官儀等書是後相因正

史表志無復百僚在官之名矣或取官曹官品之書撰

錄別行於世宋齊已後其書益繁 中興書目二十三
家一百九十一卷續目八家一百二十四卷

唐百司舉要

藝文志職官類李吉甫元和百司舉要一卷八年二月

上集唐興以來百官名品
纂六典諸職為百司舉要一卷
舊史云

唐職該

書目唐京兆杜英師撰一卷採周禮六典具員唐職儀
漢官志官品令等撮其員數品秩掌隸職局勲爵散試

歷代沿革著于篇今缺其序目別本首尾卷秩皆備題
曰職源乃其全書

唐職儀

舊史韋述撰唐職儀三十卷 梁周興嗣撰職儀 南
齊志臺府郎令史職吏以下具見長水校尉王珪之
職儀三公長史以下干寶撰立官府職儀已具 蔚
宗選簿欽明階次

開寶班簿 天聖班簿

開寶七年閏七月詔除授京官依朝官例降敕御史臺
寫班簿十日一上中書太宗閱班簿擇近臣舉官咸平三年七月

命宰臣錄內外庶官歷任功過編冊以進其該恩復用
者別編以備觀覽 景德四年十月乙巳親閱班簿擇

朝臣得翰林學士晁迥等五十人令各舉大藩守臣二
人 天聖元年四月乙未詔諸行郎中至京官以出身
歷任功過具為班簿進內 李淑上時政十議議擇官
曰興國初文武朝官班簿才二百人至咸平初四百人

天聖元年已踰千人 慶歷六年四月壬子中丞張方平言臣在翰林為學士見天聖中具員兩制兩省不及三十員今五十餘員及領御史中丞見本臺天聖班簿京朝官不及二千員今二千七百餘員又領三班院見景祐中使臣不及四千員今六千餘員又領流內銓約在銓選人僅以萬計 皇祐元年包拯言景德祥符中文武官總九千七百八十五員今内外官一萬七千三百餘員今天下州郡三百二十縣一千二百五十而一

州一縣職有定額不過五六千員則有餘矣今乃三倍其多 龍圖直學士李東之請更定選舉補蔭之法科場取士以皇祐四年進士限四百人諸科毋得過其數

治平中中丞賈黷言今京朝官至卿監凡二千八百

餘員吏部奏舉磨勘選人未引見者至三百五十餘人

治平班簿

見後

熙寧元年六月中書門下言御史臺

季進班簿多差誤請徧令所屬以職位名氏報臺庶班簿整齊從之三年六月十八日命密院每季進使相至

閣門祗候以上班簿 真宗時宗室吏員受祿者九千
七百八十七寶元以後萬五千四百四十三治平視
皇祐增十之三 宋祁上疏曰一官未缺十人競逐
糺朱滿路襲紫成林州縣之地不廣於前而官五倍
於舊

咸平職林 元祐職官分紀

咸平中諫議大夫楊侃撰二十卷集歷代沿革自三公
至東宮官善惡成敗各編其事為一百五十二門明道

中校書郎胡昉又采唐事七百四十五條附于末

書

目職官分紀五十卷元祐中孫逢吉撰編類前代至本

朝百官沿革故事僅一千門

達吉字
彥同

熙寧百官公卿表

晁氏志百官公卿表一百四十二卷司馬光等撰

卷數多富

效光行狀
云六卷

熙寧中光建議欲據國史旁采異聞叙宋興

以來百官除拜效漢書作表以便御覽詔許之光請宋
敏求同修敏求卒請趙彥若繼之歷十二年書成

熙

寧二年十一月甲子朔翰林學士史館修撰司馬光言
欲據正史實錄所載旁采異聞敘宋興以來迄今百官
沿革公卿除拜倣漢書舊法作大宋百官公卿表以備
奏御便省覽從之詔所用文字委檢討官檢閱是月命
知制誥宋敏求同修敏求卒元豐二年五月已集賢校理趙彥若代之元豐四
年八月辛巳二十日光彥若上所修六卷盡治平二年會要云十卷國

史云自建隆元年至治平四年依司馬遷法記大事於
上方書成詔附于國史一云後續修至十五卷書目百官公卿

表十五卷彥若又自撰宗室世表三卷詔進入並送編
修院賜銀帛有差

元豐新定官制 正官名 寄祿新格 祿
令

元豐二年五月乙丑二十
二日右正言知制誥李清臣言官

制踵襲前代官與職不相準差遣與官職不相準其他
勲爵食邑實封章服品秩俸給班位各為輕重後先皆
不相準願詔有司講求釐正以成一代之法三年六月

丙午詔中書置局詳定官制命張璪張誠一領之王陟
臣李德芻為檢討文字七月戊辰又以何洵直兼檢討
八月己未十五日詔中書曰朕嘉成周以事建官以爵制
祿分職率屬萬國條理國家受命百年而官政尚愧前

聞今將推本制作董正之原若稽祖述憲章之意參稽
損益趨時之宜使臺省寺監之官實典職事領空名者
一切罷去而易之以階因以制祿凡厥恩數悉如舊章
九月乙亥十六日詳定官制所上以階易官寄祿新格中

書令侍中同平章事為開府儀同三司左右僕射為特

進吏部尚書為金紫光祿大夫五曹尚書為銀青光祿

大夫左右丞為光祿大夫六曹侍郎為正議大夫給事

中為通議大夫以上無磨勘法左右諫議為太中大夫待制以上六年

遷兩官至祕書監為中大夫光祿卿至少府監為中散

大夫太常至司農少卿為朝議大夫以七十員為額六曹前中

後行郎中為朝散朝請朝奉大夫凡三等員外郎為朝

散朝請朝奉郎凡三等起居舍人為朝散郎左司諫為

朝奉郎正言太常國子博士為承議郎太常秘書殿中
丞著作為奉議郎太子中允贊善中舍洗馬為通直郎
著作大理丞為宣德郎後改宣教郎光祿衛尉將作丞為宣

義郎評事為承事郎太常寺太祝奉禮郎為承奉郎校
書正字將作監簿為承務郎以上四年遷一官寄祿階隋唐二十有九而今二

十有五元祐四年寄祿官分左右紹聖三年罷之其祿令並以職事官俸祿賜

料舊數與今新定官擬定從之四年七月戊申二十三日命蘇頌司詳定官制五年四月癸酉二十三日一本云四月甲戌官制而成詔以五月辛巳

朔領行御文德殿視朝新除職事官立班七月壬午尚

書省奏自五月一日行官制 指揮條制集為二冊

一本

云五年五月新制行舍人曾鞏專
令命告 四月丙子鞏除舍人 元豐正名凡文階

官之等二十有五武選官之等五十有六而幕職州縣
官之等七總為品十有八

九品正從

畢仲游曰昔之官品

難於進今之階秩易為高又降七品為八五品為六三
品為四章服之令降五為六降三為四以遷就新品之

失

淳熙元年三月戊子階官去
左右先是紹興行元祐之法

職官志神宗即位謂中書政事之本首開制置中書條
例司設五房檢正官以清中書之務又置制置三司條
例司以理天下之財置諸路提舉常平廣惠農田水利
差役官隸於司農以修農政簡樞密武選而置審官西
院創民兵保甲法以歸兵部作軍器監以除戎器新大
理寺以省滯獄增國子監太學官以大興庠序復將作
監以董百工然名未正也熙寧末上欲正官名始命館
閣校唐六典元豐三年以摹本賜羣臣遂下詔命官置

局以議制作上自考求故實間下手詔或親臨決以定其論凡百官庶務皆以類別有正而治之者有旁而治之者有統而治之者省曹寺監以長治屬正而治之者也故其法詳御史非其長而以察為官旁而治之者也故其法畧都省無所不總統而治之者也故其法當考其成於是長吏察月御史察季都省察歲四年十一月丁酉開天章閣對輔臣呈官制除目五年三省六曹御史臺祕書省九寺五監之法成即宮城之西營新省省

成上親臨幸召問以職事而訓誡之省官遷秩有差自
是繼有增損唯倉庫百司武臣外官未暇釐正 崇寧
二年九月鄧洵武奏改選人七階政和二年九月
二十九日易武選官稱 元祐三年二月癸未詔
三光祿正議中散朝議大夫六階各分左右 大
觀初改左光祿為宣奉右光祿為正奉右正議為
通奉左中散為中奉右朝議為奉直 元符二年
六月廿四日劉賡請以官制敕令格式藏館閣從

之

元豐備選具員

元豐六年八月吏部尚書李清臣編承務郎以上鄉貫出身歷任功過為備選具員十冊上之壬午令依本錄上中書上謂於官使人才有助 備選具員總目一事目一別錄一冊聖訓及吏部人才之辨編次承務郎以上出身歷任功過以備選擇

元祐修官制

元祐八年十二月二日乙巳

本紀
甲寅

左僕射呂大防言乞

倣唐六典置局修官制一書以為國朝大典詔於祕書

省置局令范祖禹王欽臣編修宋匪躬晁補之檢討

紹聖

元年五月詔罷之崇寧元年六月二十九日癸丑詔史院以神

宗所定官制依唐六典修成一書政和三年八月修參

照官制格目凡九百餘冊又修中書門下省官制格

初天禧二年正月庚戌中丞趙安仁請修國朝六典不

就嘉祐三年十二月學士韓絳言官制未立宜加裁定

正其名體倣周禮唐六典著為一書辛亥劉敞胡宿同詳定敵奏先條數事送中書門下參詳可否然後刪定詔許焉明年三月絳再奏趣之敵曰本朝隨事建官有司奉法守職可矣苟不能爾雖成書且復廢宇文之周官唐六典是也書卒不成

紹興祖宗官制舊典

三卷紹興間蔡元道纂以元豐改制號為名正爵位浸輕品流清雜故著是書每官先述舊典而後及新官得

失以存祖宗制官之意又有官制正誤補蔡氏所不及
仍正其誤官制沿革黃琮撰職官記張演撰

趙勝莘三書為三卷

中興百官題名五十卷紹熙間監察御史何異編

紹興續皇朝公卿百官表

二十九年七月戊戌翰林學士修國史周麟之言知雙
流縣李燾著續皇朝公卿百官表九十卷詔給札錄付
史館燾以司馬光百官表未有繼者乃徧求正史實錄
旁求家集野史增廣門類起建隆迄靖康合新舊官制

踵而成書其後續通鑑長編蓋始于此

國朝新舊官制通考

曾三異十卷引證詳說為通釋三卷

國朝兩朝志有官有職有差遣官以寓祿秩敘位著職
以待文學之選差遣以治内外之事其次又有階有勲
有爵士人以登臺閣陞禁從為顯宦而不以官之遲速
為榮滯以差遣要劇為貴途而不以階勲爵邑有無為

輕重

惟王建國惟典命官上叶星象下符川嶽



玉海卷一百十九